

Ահա այնտեղ կաշառռած Յուդան համբուրում է փրկչի հետ, մատնիչը գրկել է համաշխարհային զոհին, քահանայապետի ծառաները, ջահերը բռնած, շրջապատել են նրան. մեծ վարդապետի թշուառ աշակերտները հեռուից երկչուտ դեմքերով նայում են: Սիրոյ եւ եղբայրութեան քարոզչին դատի են կանչում: Այդ պատկերի տխուր փշրանքներն էին միայն մնացել:

Ես միւս պատկերներին նայել չկարողացայ. աչքերս լցոեցան արտասուքով:

– Ո՞վ է կատարել այդ բարբարոսութիւնները, – հարցրի իմ մօտ կանգնած արեղայից, որ ցոյց էր տալիս ինձ նկարները:

– Եւ դուք հարցնո՞ւմ էք, պարոն, – պատասխանեց նա խորին վրդովմունքով, – միթե՞ չգիտեք, թէ ի՞նչ տառապանքներ են անցել այդ տաճարի գլխով...:

Մարդը, որքան էլ անզգայ լինէր, չէ կարող սառնասիրտ մնալ, երբ տեսնում է այսպիսի անգթութիւններ, արհեստի, ճարտարութեան գեղեցիկ արդիւնքը, աստծոյ սրբութիւնները զոհ են գնում կոպիտ վայրենութեան: Թշնամին իր բարբաբոսութիւնները կենդանի մարդկանց վրայ գործ դնելուց յետոյ չէ խնայում եւ անմեղ քարերին... Տխո՛ւր է քո պատկերը, հայրենի աշխարհ, տխո՛ւր... կա՛յ արդեօք քո մէջ մի տեղ, մի փոքրիկ տեղ, որ կրած չլինէր թշնամու դառն հարոածները...

Թախծալի զգացմունքներով մտայ ես տաճարը: Ներսի խոնաւ սառնութիւնը փոքր-ինչ զովացրեց իմ բորբոքած գլուխը: Այստեղ եւս անիրաւ ձեռքը նոյն բարբարոսութիւններն էր կատարել: Դեպի որ կողմը եւ նայում էի, երեւում էր խորտակում եւ ակերած: Մանտէլ ճարտարապետի հրաշալի գործը աղաւաղոած էր: Լուսամուտների եզերքի գեղեցիկ հիւստածքը, դռների կամարների սքանչելի դրոագները, սիւների պատուհանների եւ խոյակների հիանալի քանդակները ըստ մեծի մասին ջարդել ու փշրել էին:

Իմ աչքերը որոնում էին Չալլադին: Ես գտայ նրան մի մռայլ խորանում, ուր խրոած էր մագաղաթների եւ փոշիների մէջ: Այդ ինձ շատ զարմացրեց: Ես այդ լուռ ու մունջ երիտասարդին միջեւ անգամ գրագետ չէի համարում, այժմ նա մագաղաթներ էր քրքրում: Ես գտայ նրան ուրախ տրամադրութեան մէջ, նայում էր մի հին Այսմաւուրքի հաստ կազմի վրայ:

Մեր հին գրչագրերի կազմերը առհասարակ շինոած են լինում փայտից եւ պատած մաշկով: Իսկ այդ Այսմաւուրքի կազմի մէջ, փայտի փոխարեն, դրել էին միմեանց կացրած մագաղաթի թերթեր: Այդ թերթերն էր զգուշութեամբ միմեանցից պոկում Չալլադը, անդադար կրկնելով. «դուք անհոգ